



## Spleiselag for ny ladar?

Rådmannen føreslår at kommunen går saman med kommunalt eigde Suldal Elverk for å finansiera ein hurtigladar for elbilar. **Side 4**



## Gap mellom krav og tilbod

Landbruksminister Sylvi Listhaug og hennar forhandlingsleiar la i går fram eit tilbod til bøndene som er milevidt frå kravet. **Side 5**

**REKNESKAP  
ØKONOMISK RÅDGJEVING  
LANDBRUKSTAKST**  
for næringsliv og landbruk



Tlf. 414 73 177  
[www.tveit.no](http://www.tveit.no)



# Suldalsposten

Onsdag 7. mai 2014 Årgang 39 nr 35

Laussal kr 20,-



Foto: Mikkel Wigestrøm

# Dagen før dagen

Det er mykje som skal gjerast før ein kan lena seg tilbake i finstasen og berre vera konfirmant. Bli med Gunnar Skålheim i hans innspurt til den store dagen, frå serviettbretting til gjestefotball. **Side 8 og 9**



**2-3**

Rom for fleire



**5**

Bølgjer rundt kaiane



**7**

Fairtrade-markering



» leiar

## Kven er dauast?

Orsak om overskrifta verkar støytande og lite respektfull, men det krev bokstaveleg talt sitt å halda tritt med landbruksminister Sylvi Listhaug (FrP). Som under Framstegspartiets landsmøte i takk for maten-talen skal ha samanlikna jobben for å modernisera landbruket med å flytta ein kyrkjegard. Ingen av stadene kan du rekna med særlig

hjelp, skal statsråden spørkefullt ha karakterisert sitt fagfelt og fotfolket der. Den haldninga er ikkje akkurat

Men landbruksministeren snakkar uforstyrra ned hardtarbeidande folk.

vårregn på nysådde marker når det som teiknar til å bli eit svært vanskeleg landbruksoppgjer begynner. Spøken er usmakeleg og taktaus, men vekkjer ikkje overskrifter. Hadde utdanningsministeren kalt skuleverket og lærarane der ein gjeng latsabbar eller helseministeren karakterisert sjukehussjefar og tilsette som sengjeliggjande, skulle det blitt baluba og krav om avgangar.

Men landbruksministeren snakkar uforstyrra ned hardtarbeidande folk og ei næring som har krav på akkurat den same respekten som skrivebordsklerane i departementet garantert både forventar og får når dei kjem rundt i fjosa og på ekrene.

I år hadde NRK ei sak ei sak på den famøse uttalen i samband med at staten kom med sitt tilbod til bøndene, eit tilbod som alt nå blir spådd å vera begynnelsen til eit brot mellom partane.

Der konstaterer statskanalen at somme av bøndene alt er "ganske sure" på Listhaug; å sjølv ta regi på så respektlause uttalar ser ut til å sitja for langt inne- eller kanskje me må sei- for langt nede, for hovudstadspressa.

Der har ein desse dagar tydelegvis knapt kapasitet til meir enn å spekulera ut nye vinklingar og dra fram dei siste omdømmeekspertane som endå ikkje har fått komme med sine djupaste tan- kar og analysar av skistjernas fuktige krasjfall frå himmelen.

Det er enkel journalistikk som heg- nar fint om makta og fremjar nedoversparkinga.

**Redaksjonsleiar Esther Moe**



Pressens Faglige utvalg (PFU) er eit klageorgan oppnevnd av Norsk Presseforbund. Organet, som har medlemmer frå presseorganisasjonane og frå allmenta, behandler klager mot pressa i presse- etiske spørsmål (trykt presse, radio og fjernsyn.)

Adresse: Prinsensgt. 1, PB 46, 0101 Oslo.  
Tlf. 22 41 56 80. Faks: 22 41 19 80.



70-talsdelen av bygningsmassen til Rygjatun Eigedom på Sand er tenkt til omdisponering og ombygging til seks nye hybler.

# Byggjer fleire internatplasser

**Bygningsmassen på Eide får rom for fleire.**

**Marta-Brit Lunde**

Går dei naudsynte godkjenningane om ombygging gjen- nom, vil ein unytta del av lokala til Rygjatun Eigedom på Sand kunna tilby seks nye rom til skule-elevar frå og med det nye skuleåret. Rygjatun Eigedom driftar internatet der ToppVolley Norge fyller opp store delar av rom- kapasiteten, som per i dag består av 72 rom. Med seks nye rom, kan selskapet tilby hybler til andre elevar på vidare- gåande skule, som byggfagselever.

### Svingar

Eit par år nå har rekrutteringa til ToppVolley-linja vore lågare enn ønskeleg, men går nå gradvis oppover igjen. Atterhald av såkalla gjesteelevsfinansiering frå enkelte fylkeskommunar er ein av årsakene, nemner styreleiar i Rygjatun Eigedom, Olav Lindseth.

– Det har gått i bølgjedalar dei siste åra, med 64 elevar dette skuleåret og nede i 52 året før, men til hausten reknar me med mellom 72-76 elevar, inkludert byggfag-

selever som treng rom. Og det neste skuleåret ser me også ein ytterlegare auke, seier Lindseth.

### Første steg

– Me prøver å vera eitt steg framføre, og sjølv med to utfordrande år, planlegg me nå utvidinga ut frå utsiktene til ein god vekst. Bygget vil bli tilpassa og tilrettelagt, eit arbeid og grep som utgjer minst muleg økonomisk risiko. I forprosjektet for nokre år sidan, var planen tolv nye rom. Lindseth ser ikkje bort frå at det kan bli ein realitet med endå fleire enn tolv, men ikkje i første omgang.

– Til neste skuleår gjer me nok ytterlegare forandringar.

### Klare i august

Så snart selskapet får kommunalt grønt lys for ombyggingsprosjektet, vil arbeidet ta til.

– Lokala som skal gjerast om til hybelrom, blir i dag svært lite brukt. Biblioteket heldt til her, men i den seinare tid er dei blitt brukte som lagerplass. Prosjektet omfattar teknisk oppgradering og andre endringar, og me siktar inn på

at hyblane skal stå klare til hausten. Mykje er på plass allereie, forklarer Lindseth optimistisk.

» Me prøver å vera eit steg framføre.

## &gt;&gt; notiar

**Færre ledige sommarjobbar**

NAV har 10 600 sommarjobbar liggjande ute på nav.no så langt i år, og det er 1 200 færre enn på same tid i fjor. Jobbane som ligg ute nå er hovudsakleg innanfor helse, pleie og omsorg, men også dei som vil vera reinhaldarar, parkarbeidarar og kjøkkenasistentar vil finna ledige jobbar her. NAV minner om at det er best å visa seg aktiv som arbeidssøkjar og ta initiativ, men erkjenner samstundes at svært mange finn sommarjobbar ved direkte kontakt med familie og venner, ikkje berre gjennom NAV.

**Gode betalarar**

Innbyggjarane i Suldal er dei beste betalarane i Haugaland- og Sunnhordlandsregionen. I Suldal hadde 1,7 prosent av innbyggjarane betalingsmerknader ved inngangen til april, og det gjer oss altså best i klassa samanlikna med dei 15 andre kommunane, melder Haugesunds Avis. Dei dårlegaste betalarane er i Haugesund, der 4,22 prosent av innbyggjarane har betalingsmerknader.

**Grunnloven på nynorsk**

I går, 6.mai, vedtok eit fleirtal i Stortinget ein nynorskversjon av Grunnlova. Etter 200 år har Norge fått ei Grunnlov på dei to norske skriftspråka. – Ei historisk anerkjening av nynorsken, uttaler Karl Peder Mork, påtropande leiar i Norsk Målungsdom. Nynorskversjonen er utarbeidd av professor Finn-Erik Vinje og ein versjon av Grunnloven frå den såkalla Graver-utvalet.

**Støtte til leige av folkedrakt**

Dansegruppa til somalisk foreining i Suldal har fått 1 500 kroner i tilskot av Suldal kommune til å leiga somaliske folkedrakter. Gruppa skal opptrer på to arrangement i samband med 17. mai, og treng mannfolkdakter til dette høvet. Desse kan dei nå få til å leiga i Oslo.

## &gt;&gt; retting

**Rett fotograf i skogen**

Ærast den som ærast bør. Det var Berit Søvik Østerhus som hadde tatt vårbileta frå skogsturen som stod på trykk i sist utgåve av Suldalsposten, ikkje Berit Reinertsen Sandvik som avisar kom til å skriva.



# Endringar i stabskabalen

**Arbeidet med å få meir butikk inn i sportsfasilitetane på Eide er endå i startgropa, men ei omorganisering av Rygjatun Eigedom kan få fart på Arena Eide.**

**Marta-Brit Lunde**

– Me ser behov for å rusta opp organisasjonen Rygjatun eigedom som er blitt større. Eitt grep er at internat-/humorstillinga blir skilt ut som ei eiga stilling, skilt frå rolla som dagleg leiar. Jobben med å følgja og ha ansvar for elevane på internatet, er krevjande. Elevane har harde dagar med skule, trening og prestasjonspress. Då er det viktig med gode personar i botn. Internatleiaren har ansvaret for at dei har ein sosial tryggleik. Det er ein del av oppveksten deira, fortel styreleiar Olav Lindseth.

**Koordinerande leiar**

– Opgåvene vil bli samla på ein anna måte, og det er grunnen til at me nå søker etter ein dagleg leiar. I samband med ny leiar tar me utgangspunkt i ei 100 prosent stilling. Målet er å spissa fokuset, og at den daglege leiaren skal ha ansvar for utvikling av Arena Eide samt ha ei koordinerande rolle med internatet, kjøkkenet og ToppVolleykontakten, seier Lindseth.

**Arrangementsutvikling**

Selskapet er eit datterselskap til det kommunalt heileigde Rygjatun Eigedom. Målet er å arbeida mot ei utvida arrangementsutvikling rundt idrettsfasilitetane og kompetansen fra volleyballmiljøet på Eide.



Auke i ansvar og oppgåver gjer at internatleiari og dagleg leiar blir to stillingar, fortel styreleiar Olav Lindseth.

– Kommunestyret testa i førekant av eit kommunestyremøte tidlegare i vinter ut området for teambuildingøvingar. Det skjer mykje i området her nå med basseng og tomter på Haugen. Lindseth fortel at det blir jobba med å få tilrettelagt for Arena Eide.

– Potensialet er der, og det er ikkje tvil om at det bli enklare når ein har gode utsikter for Rygjatun Eigedom samt muleggjering av ein større ressurstilgang i området.



## Vil ha trygge parkeringsplasser

Agder og Rogaland Skikrets har i brev til Suldal kommune komme med uttale om plasseringa av det planlagde reinseanlegget ved Gullinghuset ved Mosvatnet. Dei viser til behovet for trygge parkeringsplassar ved skiarangement, som trekkjer mange løparar og publikum, og meiner at andre sida av fylkesvegen er eit betre alternativ for plassering. Skikretsen påpekar at området rundt Gullinghuset har potensiale for utviding med mellom anna rulle-skiløyper.

Marta-Brit Lunde

# Vil etablera hurtigladar

**Går det som rådmannen vil,  
blir det spleislelag mellom  
kommunen og Suldal Elverk  
om ny elbil-ladar.**

### Toyni Tobekk

Formannskapet skal neste veke ta stilling til om kommunen skal løyva 300 000 kroner for å vera med og finansiera ladaren, som vil kosta mellom 470 000 og 755 000 kroner. Ladaren vil då bli fullfinansiert av dei to partane, og elverket vil ikkje gå vegoen om Transnova igjen. Elverket søkte Transnova om støtte til hurtigladar i fjar, men fekk avslag.

Rådmannen føreslår å setja som vilkår for ei kommunal løyving at elverket betalar det resterande som ladaren vil kosta, at dei utfører jobben og at ladaren kjem snøgt på plass med to ladeuttag.

### Alternative plasseringar

Rådmannen har også vurdert ulike plasseringar av ein ny hurtigladar, som skal stetta behova til ålmenta og til dei to elbilane kommunen sjølv har kjøpt og tatt i bruk i heimetenesta. Nedre Dalane peikar seg ut som det mest praktiske alternativet, men blir også det dyraste då ein der må til med ny nettstasjon og ny og større trafo.

Skulle ikkje det vera økonomisk løysande, rår rådmannen til å halda fram med å bruka plassen framføre Rimi, der dagens semi-ladar står. Bjødnateigen er òg nemnt som alternativ, men vert ikkje vurdert som godt nok, reint praktisk.

### Bygger på

Suldal fekk sin første elbil-ladar hausten 2013, ein semihurtigladar med to uttak. Denne brukar om lag to timer på å lada opp full tank. Ladaren er ikkje svært my-



Semiladestasjonen på Sand kan bli oppgradert til ein hurtigladestasjon. I dag er det færre enn fem private elbilar i kommunen, pluss kommunen sine to som heimetenesta bruker.

kje i bruk i dag, opplyser elverket, som ikkje tel kor mange som tankar, men målar kor mykje straum det går frå han.

Nyleg fekk også etnebuen hurtigladar for elbil og har dermed bidratt til å gjera kjørestrekket lengre for elbilistane i regionen. Ladestasjonen er plassert ved kjøpesenteret langs E134 og har tre uttak for lading. Med ein hurtigladar, kan ein elbil tanka opp på om lag 20 minutt.

Før påske fekk i tillegg Norheimsund,

Eidfjord og Rosendal tilsvarande ladalar, medan Odda får sin til sommaren. Sauda kommune løyvde i vinter pengar til å få oppretta sin første ladestasjon.

### Overordna plan

Transnova la nyleg fram ein overordna strategiplan for ladeinfrastruktur, ein plan som lenge har vore etterspurtt for å få ei tenleg og samanhengande utbygging av ladestasjonar i landet. Transnova

løyver pengar til ladestasjonar etter søknad, og har i dag 20 millionar kroner på sitt budsjett. Ifølgje Transnova sin eigen finansieringsplan, krevst det 150 millionar kroner for å få på plass ein nasjonal ladeinfrastruktur.

Transnova er eit organ oppretta av Samferdsledepartementet, lagt til Statens vegvesen, som jobbar for å redusere CO<sub>2</sub>-utsleppa frå transportsektoren.

# Samarbeid på Suldalseidet

**Saman med Svein Klungtvit  
er Suldal Hyttebygg i full gang  
med å stella til nytt hyttefelt  
på Suldalseidet.**

### Helga Møgedal

Feltet ligg i forlenging av alt eksisteran-

de hyttefeltet som grunneigaren, Sigbjørn Tveitane, har bygd ut i privat regi. Dette er nå fullt. På det nye feltet er det regulert inn 14 tomter, opplyser dagleg leiar i Suldal Hyttebygg, Tor Gunnar Eide. Området ligg omlag hundre meter frå sjøen, og for tida driv utbyggjarane med rydding for å laga gangsti til sjøen. Der skal også etablerast ny båthamn, fortel Eide.



Her blir det jobba med nytt hyttefelt på Suldalseid. Foto: Suldal Hyttebygg.

## Listhaugs tilbod til bøndene

I går la Staten fram sitt tilbod til jordbruksoppgjernet, og ramma lyder på 150 millionar kroner. Vel ti prosent av bøndenes krav på 1,5 milliardar kroner. Avisa Nationen siterte regjeringsforhandlingsleiar Leif Forsell på at at han ser tilboden som eit godt og framtidsrettet tilbod som han håpte ville gi grunnlag for vidare forhandlingar. Ifølgje staten

vil tilboden innebera ein inntektsvekst for bøndene på rundt 3,5 prosent. Staten føreslår å nær tredobla kvotetaket for mjølkeproduksjon frå dagens 400 000 liter til 1,2 millionar liter for alle føretak og å avvikla spesialordninga for samdrifter, som i dag er maks fem deltarar og maksavstand på 17 kilometer. Bondelagsleiaren karakteriserte i går

tilboden som kritisk lågt. Senterpartiet med næringskomite-leiar Geir Pollestad karakteriserte i ei pressemelding i går tilboden som svært dårlig og meiner tilboden viser at statsråd Sylvi Listhaug manglar evne og vilje til å satsa på norsk matproduksjon.

Esther Moe



Rådmannen vil gjerne kvitta seg med gamle kaiar, men møtte motstand fra bygdefolk ved sjøen og fjorden då første runde gjekk og fekk saka tilbake for grundigare behandling. Nå kjem den igjen, og ein av kaiane som skal på LMT-utvalet sitt bord i morgen er gamle Hebnes kai. Foto: Toyni Tobekk

# Kai-protestane nådde fram

**Etter å ha fått saka i retur, snur nå rådmannen om to av kaiane som i vinter blei føreslått selde.**

**Esther Moe**

Saka om privatisering og sal av fleire kommunale kaiar, vekte somme av dei berørte krinsane seint, men sterkt.

Kommunen har ein overordna strategi om å kvitta seg med bygningsmasse og eigedom som representerer store vedlikehaldsetterslep, og det var i februar at rådmannen føreslo å selja/tilbakeføra åtte av kommunens totalt 24 kaiar rundt om i Suldal.

Det kom etterkvar ein god del protestar mot forslaget. I utgangspunktet var det grendeutvala rundt om som var blitt bedne om å uttala seg til saka, men då saka i mars skulle bankast i kommunestyret var det inngåande meininger om saka frå fleire hald. Frykt for privatisering av sjø/fjordnære perler og uklåre forhold rundt eigarskap var to av elementa då kommunestyret etter forslag frå LMT-leiar Ola Hauge (Sp) sende saka i retur til rådmannen for å få den betre opplyst.

### Snur om Tongen

Når LMT-utvalet igjen får den tilbake i morgen, har rådmannen snudd heilt om to av kaiane, mens det for ein tredje er lagt opp til eit kompromiss. Tongen kai var det ikkje politisk stemning for å selja sist, og rådmannen konstaterer dette og legg ikkje opp til omkamp om denne kaien i Hylsfjorden. Der bygdefolket også har oppdatert kommuneadministrasjonen på at den både blir brukt til næringsføremål og rekreasjon.

### Dårlig butikk i Drarvik

Også Drarvik kai slepp unna sal nå, og her ser det ut for at grendeutvalet har måttat minna kommuneadministrasjonen om at det ligg på bordet eit opprustingsvedtak pålydande 400 000 kroner. Grendeutvalet stussar på kva kommunen kan spara på "å gi" vekk kaien etter at den er rusta opp. Når rådmannen nå har fått tatt ein runde til, er konklusjonen at kaien er viktig for allmenta, og at ein ferdig opprusta kai, ikkje vil gi kommunen utgifter på årevis. Og utbetringa som eigentleg skulle vere gjennomført i fjor, ser nå ut til å bli på seinsommaren i år.

### Privatiserer ikkje vegen på Hebnes

Hebnes gamle kai var i utgangspunktet

føreslått selt med tilhøyrande eigedom i ein open runde. Det viser seg at både grunneigarane som eig molo, naust og parkeringsplassar grensande mot den kommunale tilkomstvegen ned mot kaien og kaientreprenør Osvald Hebnes ønskjer å kjøpa kaien, og rådmannen innstiller på å la kaientreprenøren overta den. Men legg opp til at tilkomstvegen framleis skal vera communal.

### Vil selja Finnvik kai til nabo-grunneigar

I sist runde hadde rådmannen lagt opp til at kaien ved den gamle handelsstaden anten skulle overtakast av Ryfylke friluftsråd eller fortsatt vera i kommunal eige for å sikra tilgang for allmenta. Men kaien ligg innforbi privat grunn og via sin advokat har grunneigarne der argumentert for at han overtar kaien for takst, men held kaien open for allmenta. Rådmannen erkjenner at det blir vanskeleg å selja til andre når kaien ligg kransa av privat grunn og legg opp til nabo-grunneigars opplegg.

### Tveitane

Tveita kai blei det dramatikk rundt etter at grendeutvalet behandla saka på ein måte som utløyste klage frå bygdefolket. Der var nemleg leiaren for grendeutvalet,

og grunneigar med interesser for å overta kaien, ein og same person og ho var ifølgje klagen med på behandlinga i grendeutvalet langt ut i debatten før ho skal ha gått frå like før røystinga. Klagarane som også anførte at utvalet ikkje skal ha vore vedtaktdyktige, bad rådmannen om å sjå vekk frå eit vedtak dei meinte var ugyldig og heldt fram ein jordskiftemodum frå år 2000.

Rådmannens forslag nå er framleis å overføra den kommunale delen av kaien til privat eige, men det blir klart lagt til grunn at rettar som kommunen og bygdefolk har når det gjeld snuplass, kai og bruksrett til veg skal vidareførast.

### Held fast på sal for Lalid, Bråteit og Tengesdal

Elles vidarefører rådmannen sitt forslag om sal av kaiane i Lalid, Bråteit og Tengesdal kai med sikte på å få dei overførte til privat eige og vedlikehald, men understrekar i forslaget til vedtak at eventuelle bruksrettar eller servituttar må omsynstakast.

Saka skal vidare til formannskapet over helga og kommunestyret i slutten av månaden etter morgondagens behandling i LMT-utvalet.

# Arbeidslyst i Erfjord



Matpause 1. mai. F.v. dognadsleiar Jonas Vestersjø, Per Sverre Apeland, Stig Erfjord og Edvard Levarskjer.

**Når tilskotet frå kommunen og spelemidlane på totalt ein million kroner ligg på bordet, er ikkje erfjordbuen snauare enn at dei legg til ein halv million kroner i dognad.**

Tekst: Esther Moe  
Foto: Berit Vestersjø

Då blir det råd med ei skikkeleg opprusting og utviding av grøndehuset i bygda som nå får 40 nye kvadratmeter. Det gamle kjøkkenet blir del av salen, mens bygdefolket skal få nytt moderne kjøkken.

## Dognadshelg igjen


Første dognadssrippen gjekk rundt 1.mai, og alt til helga er det nytt lag og nye dognadsskift. Det er Frode Lovra som organiserer arbeidet, og det er framleis råd å få ei aksje i arbeidet, seier Berit Vestersjø som er kasserar i byggjekomiteen.

– Alle har sikkert eit brev hengjande på kjøleskapet om dette, og me håpar endå fleire stiller opp, oppfordrar kasseraren som fortel om eit hus som er populært hjå både unge og eldre brukarar. Og som fortel at utvidinga har vore på tapetet til Erfjord ungdomslag i mange år.

Akkurat kva tid det heile vil stå ferdig, er ikkje så godt å seia nå. Men truleg blir det utspringa før det er klart til å koka ertesuppe i nytt kjøkken.



I god gang og i fint dognadsvær. Her er det Torbjørn Nordmark som er kommen i stigen.



# Frå boktre til leseskur

**Legg til se i leskur. Så har du ei heilt anna verd.**

**Helga Møgedal**

Heime hjå Reidun Førland samla det seg opp bøker.

– Men eg kan jo ikkje bere hiva dei, tenkte Reidun. Så i fjor laga ho seg boktre nedi Tysse. Det var kjekt, men ettersom trafikken i grenda er noko begrensa, vart ikkje avsetninga den heilt store.

– Kva gjer eg nå, tenkte ei som ikkje gjev opp i første omgang og kom til å tenkja på leskuret som ingen nyttta. Den i avkjørsla

til riksvegen. Med därleg værmelding til påske, kunne jo ho bidra til underhaldninga. Som tenkt så gjort. Opp kom hylle og inn kom bøker. Ei førebels hylle, presiserer Reidun, som skal skiftast ut med noko som toler trykket. For bøker går og bøker kjem. Nå får ho glade tilbakemeldingar frå hyttenaboar som også fyller på i skuret.

Det blir loppemarknad i naustet ved sjøen denne sommaren også, lover ho.

– Noko må ein finna på, melder Reidun muntert, og me andre kan berre lura på kva det neste blir!

**Tekst og foto: Helga Møgedal**



Wenche Haugen Havrevoll er ein til to gonger i året til Nepal frå der ho direkte-importerer mange av varene som er å finna i butikkhyllene hennar. Ho innrømmer at ho er litt vågal når ho oppsøkjer små-produsentane for med eigne auger sjå kven og korleis dei produserer varene. – Desse skilta oppdagga eg i ein butikk i Nepal. Eg spurte kven som laga dei. Så blei eg henta av ein mann på moped og kjørt av garde til familien som lagar skilta.

# Etikk i handlekorga

**Ein marknadsdag med meinig er tanken bak mai-dagen på Nesflaten.**

**Marta-Brit Lunde**

Laurdag trommar Wenche Haugen Havrevoll og Reidar Sandal saman til ein innhaldsrik marknadsdag. Det er i samband med Verdas Fairtrade-dag at Haugen Havrevoll gjer om tunet til markdag og samarbeider med Sandal si bedrift Skattkammeret på Nes.

## Folk i fokus

– Tema for årets internasjonale Fairtradedag er Fairtrade People. Målet med det er å markera både produsentane og kundane. Utan forholdet dei i mellom, er det ikkje muleg å få til ein rettferdig handel. Det hjelper ikkje å produsera varer utan at nokon kjøper dei, forklarar Haugen Havrevoll og viser inn i første etasje i lokalet på garden.

## Markdag med mangt

Til helga får både nye og gamle kundar høve til å gjera ein rettferdig handel, om det er langvegsfarande varer, eller

– Eg ser ingen motsetning mellom Fairtrade-produkt frå land langt vekke og kortreist mat frå nabogrenda

kortreist kunst eller mat.

Det blir opne dører til butikken All verdas, kunst- og salsutstilling ved Eli-sabeth Littlehamar og sal av sommarblomar i tunet hjå Haugen Havrevoll. Ho viser rundt der ho meiner det er plass til dei ulike varene, aktivitetane, og der bilane kan parkera. I sentrumsbygget blir det bygd fram mange lokale matvarer for einkvar smak.

## Rettferd

– Eg ser ingen motsetning mellom Fairtradeprodukt frå land langt vekke og kortreist mat frå nabogrenda, fortel butikkeigaren. Forsking viser at me må auka matproduksjonen også her heime for å i framtida kunne tilby nok mat til alle på jorda.

– Så vil me ha ein natursti frå her og bort til sentrumsbygget, der det også vankar premie, smiler butikkeigaren som byrjar å rekna opp matrettar som vil bli selde; viltburgar og betasuppe og nybaka kludder. Produkt til å ta med seg heim vil det heller ikkje mangla på. Freistar ikkje ulike variantar fisk, finn ein mange slag kjøtprodukt frå lokale bedrifter.

**- Stolt som Fairtrade-kommune**

**Kommune markerer dagen med informasjonsvideoar om rettferdig handel.**

**Marta-Brit Lunde**

Hausten 2009 vart Suldal kommune Fairtrade-kommune og kommunen har oppretta ei styringsgruppe på ti personar med ulik bakgrunn og verv. Med status som Fairtrade-kommune bind ein seg til å jobba aktivt med å auka kunniskapen om etisk handel i eige lokalmiljø og å auka forbruket av Fairtrade-merkte produkt. Ei anna viktig oppgåve er å byggja nettverk og å få fleire med i fellesskapet som fairtrade-kommune.

## Fairtrade-drypp på nett

Leiar for servicetorget, Turid Vaage, fortel at kommunen frå 10.mai og ei veke framover vil bruka heimesida og kommunens Facebook-side for å markera Fairtrade-dagen.

– Kvar dag vil det bli lagt ut ein kort

videosnutt som omhandlar emnet, små Fairtrade-drypp. Suldal kommune er stolte av å vera ein Fairtrade-kommune, seier Vaage, som legg til at ordføraren vil stå for opninga av marknadsdagen laurdag på Nesflaten.

## Nei frå fylket

I Rogaland var Sauda første kommune ut i Norge som i 2006 kunne smykka seg med tittelen. Etter dette har mange komme etter, og per i dag er det 34 Fairtrade-kommunar i landet. Det stadfestar prosjektkoordinator Andreas Feen Sørensen i Fairtrade Norge.

– Trist, men valfritt, er hans kommentar til at fylkestinget i Rogaland fylkeskommune tidlegare i år stemte mot å bli første Fairtrade-fylkeskommune. Han viser til Østfold som, etter eit politisk vedtak i fjor, nå jobbar for å bli det. Feen Sørensen rosar arbeidet dei ni rogalandskommunane legg ned i aktivt arbeid.

– Dei gjer veldig mykje bra arbeid og er med og drar oss vidare.



Mamma Svanhild veit korleis ho vil ha det til søndag.  
F.v. Gunnar, Svanhild, Oddvar og Tuva Skålheim.

# Konfirmasjon



Espen går fort lei, men då er det bra at ikkje alt lesestoff er bortgøymd.



Laurdag ettermiddag hadde Gunnar gjestene sine med ned på grasmatta for å få ut litt energi før neste dag.

**Tekst/foto:** Mikkel Wigestrønd



Gunnar blir ein meister i serviettbretting. Her med litt problem i startfasen.

Kva gler du deg mest til på søndag?  
- At familien samlast.  
Men presangane heng også høgt, sjølvsagt.

# Konfirmasjonsdagen - eit val er teke

**FREDAG ETTERMIDDAG** var Suldalsposten på Loftet på Bjødnateigen for et eksklusivt møte med Gunnar Skålheim, som saman med familien var i full gang med førebuinga til konfirmasjonen søndag. Kva må eigentleg gjerast før ein slik dag? Er nervane til konfirmanten under kontroll? Ligg familien i rute til søndag? Det får du nå svar på.

- **SLAPPFISKAR**, ropar litlebror Espen då konfirmanten Gunnar og storebror Oddvar slit seg oppover trappene med eit bord. Heile familien Skålheim har i dag dugnad for å få alt klart til den store dagen overimorgen. Midtpunktet Gunnar fortel at talen er klar, og at nervane er under kontroll.

- I alle fall nå, ler han, litt skeptisk. - Du konfirmerer deg jo berre ein gong i livet, så ingen veit jo korleis dei tar det. Heldigvis har konfirmanten skrive ein kort og lett tale. - Slik at eg ikkje kjem ut av det, seier ein nøgd 15-åring.

Når Suldalsposten vågar seg frampå med å spørja førebuingane elles ligg an, seier Gunnar han trur det er bra, men at det heldigvis er mamma Svanhild som er arbeidsformann. Det merkest denne fredagsettermiddagen. Det verkar som ho har alt under kontroll, men å sløsa med serviettar under serviettbrettinga kan dei ikkje. - Elles får me bruka dopapir, ler ei optimistisk mor.

**DET MERKEST** at denne familien går litt djupare når eit familiemedlem skal konfirmerast. Dei to eldste døypete seg for nokre år tilbake, medan dei to yngste, Tuva (blir 12 år) og Espen (blir 9 år), ikkje har gjort det endå. Svanhild og pappa Einar fortel at ungane står fritt til å velja, men dei reknar med at dei tenkjer seg godt om. Gunnar trur ikkje det er så mange att som tenkjer på dette som ja, nettopp-ein konfirmasjon, men heller som ein tradisjon. - I konfirmasjonen stadfestar du at du framleis er ein del av den kristne trua og den norske kyrkja, seier pappa Einar.

**NOKO ANNA** konfirmanten stod fritt til å velja var mannen: Og det vart komla. - Det er så sjeldan eg et det, og så er det jo så utruleg godt, seier ein litt travel, men glad Gunnar på jakt etter eit nytt lass med stolar nede i kjellaren. Storebror Oddvar hadde taco til hovudrett i sin konfirmasjon i fjor.

Sitjeplassen blir delvis eit frivillig val, sjølv om det kan sjåast på som frivillig tvang også: Gunnar kikkar lengselsfullt mot ungdomsbordet, men forstår at mamma helst vil ha han med dei vaksne. Mors ønske vann fram, men Gunnar fekk heldigvis velja kva ende av bordet han ville sitja på.

**MEDAN MAMMA** Svanhild og lillesøster Tuva hentar dukar på Kulturhuset, og konfirmanten og storebror hentar fram dei siste borda, sig ein trøytt og sliten veslebror Espen ned i hjørnesofaen og kosar seg med Pondus som akkurat idet Suldalsposten knipsar, står i Borat-drakt. Det skal seiast at dette var 20 minutt etter at dugnaden hadde begynt, men likevel er det kanskje forståelig. Det er ikkje alltid like kjekt å vera 9 år og ikkje i fokus ein heil dag!

Espen fortel at han gleder seg til sin konfirmasjon, og at han helst ville hatt den i Kongen sitt slott. Men han trekkjer det raskt tilbake: - Der må me jo vera så forsiktige med alt!, ler han.

**GUNNAR HAR** ikkje vurdert å trekka seg frå si eiga tilstelling, og han ser ut til å glede seg. Forutan fotballspeilinga med dei yngste gjestene i morgen, vil nok tida før konfirmasjonsdagen gå med til øving på tale, strykning av skjorte, og kanskje litt serviettbretting?

For det skal seiast: Gunnar vart veldig flink til å bretta serviettar i løpet av kvelden. For sjølv om han syntest det virka litt unødig å kunna dette, gjekk det an å sjå at han er ein gut som vil ha alt på stell når han har ein av desse få, store dagane i livet – når heile familiens auge er retta mot berre han.

# God innedag i Vanvik



Marie Vikeså med ein ny variant av CD-plate.



Av kongler og anna naturmateriale er det mykje som kan lagast, også ein konglekylling på ski.



Eit yrande liv, med mange aktivitetar for små og store.

**At påska godt og vel er over, for så vera. Denne rapporten frå ein regnfylt raud dag i Vanvik tålte ei par veker av tidas tann og inneaktivitar blir nok ikkje ut med det første.**

Skjærtorsdag arrangerte Fjordguten Ungdomslag samling på Tunet. Ein kunne tru dei hadde valt dag etter værmedinga. Dette vart den typiske "innedagen" i påska 2014, med ausande regn. Kanskje det var medverkande til at salen etter kvart vart fylt opp av små og store, både fastbuande og feriegjester. Den yngste hadde ennå ei stund att til sin første bursdag, mens den eldste hadde starta pensjonistlivet. Dei tre timane som var sett av gjekk som ein røyk, og tilbakemeldingane var udelst positive frå deltagarane. Eit trivselstiltak frå eit ungdomslag som òg tar vare på dei framtidig medlemmene.

Tekst: Inger Bekkhus

Foto: Rønnaug Bakken



"Utan mat og drikke..." - pølser smakar alltid godt. Den som passa gryta var Viljar Løland, medan Ask Sundby forsynte seg.



Tobias Løland og Andreas S.B. Fattnes i kamp om fotballen.

## Flott avslutning og deltakar-rekord på o-kurs

**Etter tre flotte kurskveldar, blei 27 barn og unge premierte for å ha fullført kurset i orientering denne våren. På medlemsmøtet rett etter siste økta vanka det både diplomar og medalje på dei unge deltakarane.**

### Skule-orientering i forkant av kurset

I år har o-laget vridd litt på måten å tenkje kurs på. Bakgrunnen for dette var eit inspirasjonskrus i regi av NOF (Norges o-forbund) i fjor haust. Nasjonalt er målsetjinga klar, minst ein prosent av innbyggjarane i Norge ut i skogen med kartet i handa. I år gav o-laget tilbod om eit o-opplegg for tre av skulane i Suldal, veka før o-kurset. Kursbetalinga gir også automatisk medlemskap i Suldal o-lag i eitt år. I år har det resultert i ei auke i medlemsantalet for o-laget på rundt 30%!

### Ivrige og smilande deltakarar i skogen

Dei fleste deltakarane har i år gjennomført heile kursrekka. Kompasset er ikkje brukt for dei ferske o-løparane. Det kjem etter kvart når o-rekruttane blir flinkare og byrjar å prøve seg på vanskelegare løyper. I starten er kartet viktigast - Forstå symbola, orientere kartet, finne ledelinjer og haldepunkt, og så, finne posten! Og med tommelgropet godt festa, der dei er på kartet, har dei klart løypene i fin stil.

### Rekord på medlemsmøtet også

Godt over 50 nye og gamle medlemmer fekk seg velfortjent pizza og brus etter o-økta, før premiering og o-bingo avslutta kvelden. Det blei òg delt ut premier for Vinter-o-karusellen, som i vinter har hatt god deltaking.



Denne gjengen kunne stolt ta i mot diplomar og medaljar etter å ha gjennomført kurs i orientering.

I overkant av 30 deltakar har vore med ein eller fleire gonger i vinter.

### Nye o-løyper kvar onsdags kveld

No startar hovudsesongen for o-løparane i Suldal o-lag. Førstkomande onsdag og kvar onsdag framover til oktober, kan du velje mellom fire ulike løyper. Dei har ulik lengde og vanskegrad, og du kan velje om du vil springe på tid, eller å gå dei som trim. I nybyrjarløypene har me ikkje tidtaking. Her er målet å finne fram utan å tenkje på tida. Dei som er med på fire o-løp eller meir, blir pre-

mierte. I alt kan du få med deg heile 13 o-løp denne sesongen! Kor løpa startar frå, det finn du Suldal o-lag sine heimesider, og i Dette skjer, i Suldalsposten.

### Ope for alle

Me ønskjer alle velkomne til skogs, med kartet i handa. Fekk du ikkje med deg kursrekja, men har lyst til å prøve deg som orienterar, møt opp, ta med deg venner og familie, og me gir deg ei innføring i kartet før du prøver deg! Me sjääst i skogen - kvar onsdag

Tekst og foto: Jan Erik Kristensen

**LEDIG STILLING**

ME TRENG:

**Kveld-/deltidshjelp**Ta kontakt med Alf Rune eller Ewelina,  
tlf. 52 79 74 77.**Tjelmane Dekkservice AS**  
Garaneset, 4230 Sand**Annonse?**

Ring 52 79 05 93

**Ryfylkedagane****6. – 8. JUNI**

**COUNTRYFESTIVALEN** For 16. gang  
**SELJORD** 23.-27. juli

**Dwight Yoakam**

James Intveld Vassendgutane  
STAUT Steffen Jakobsen  
Sie Gubba Åsmund Åmli Band  
25 topp countryband!

- 12 timer non stop musikk hver dag.
- Stor campingplass med gode faciliteter.
- Stort Right On-treff i trivelig countrymiljø.
- 18 års aldersgrense.

Nordens største countryfestival!  
[www.countryfestivalen.no](http://www.countryfestivalen.no)  
Info. bestilling tlf. 35055164

**Seljordfestivalen** For 14. gang!  
**2. - 6. juli**

Lasse Stefanz Contratz Johnny Logan Ole Ivars  
Anne Nørsti Ausekarane Ingemars Rune Rudberg Scotts  
Buddy Holly—The Concert med Heine Totland & The Crickets  
Sannek Steinar Engelbrektsen PK og Dansefolket Aristocats  
Wizex Jannez Bris Norske Menn Sogns Aaslandbros Bakersfield

**Contratz** **JOHNNY LOGAN**  
**Steinar** **Rune Rudberg** **Buddy Holly**  
**Ausekarane** **The Concert**

- 12 timer non stop musikk hver dag!
- Musikk fra tre scener!
- Campingplass med gode faciliteter!
- 18 års aldersgrense!
- Samme campingpriser som 2013!
- Bruk gjerne vår nettbooking!

Info./bestilling tlf. 35057700  
[www.seljordfestivalen.no](http://www.seljordfestivalen.no)

For 22. gang ønsker vi velkommen til Country Music Festival på Vinstra.  
**2.-6. JULI**

**COUNTRY MUSIC FESTIVAL VINSTRA**

Darryl Worley (US) Staut Vassendgutane  
Modern Earl (US) Sie Gubba Too Far Gone  
Steffen Jakobsen m/Clutterbillies  
Bastard Sons of Johnny Cash Danni Leigh (US)  
Becca Steff Nevers VON Byting  
Mike and the Strangers Terje Iversen  
Twang Gang Morten Vestly Band  
Løiten Twang Depot Bill Booth

Tlf. 4175 4398 [vigdis@festivaldrift.no](mailto:vigdis@festivaldrift.no)  
[www.festivaldrift.no](http://www.festivaldrift.no)

**NYTT FRÅ SULDAL**[www.suldal.net](http://www.suldal.net)**Markering av verdas Fairtrade-dag**

på Nesflaten laurdag 10. mai 2014 kl. 12.00 – 16.00

- Opning og markering av Verdas Fairtrade-dag ved ordførar Torkel Myklebust.

Dette skjer hjå ALL VERDAS gåver og bruksting – følg skilt.

- Lokal mat, sal og servering hjå Skattkammeret på Nes, Sentrumsbygget.



Servicetorg/sentralbord: tlf. 52 79 22 00 - kl. 08.30-15.00  
Timebestilling lege: tlf. 52 79 23 00 - kl. 08.00-15.00  
Bestillarkontor: tlf. 52 79 23 60 - kl. 08.00-15.00  
Legevakt: tlf. 52 79 74 22 - utanom kontortid

Alle henvendingar vedkomande helse- og omsorgstenester, hjelpemidler, individuell plan eller andre spørsmål innan helse- og omsorgsområdet går til bestillarkontoret.

**TIPS OSS!**

Foto: Thea Granli

Alle tips som fører til ei sak i avisas blir premierte med to Flax-lodd. Blant alle premierte tips blir det trekt ut ein månads-vinnar som i slutten av året er med i trekninga av eit gavekort på 6000 kroner.

**På hjul**

Fredag 16. mai gir me ut avis med **På hjul** som både annonse- og redaksjonelt tema.

**Annonsefrist: Fredag 9. mai.**

**Vinnarar 2014:**

Januar:	Sigrun Sandvik
Februar:	Elise Birkeland
Mars:	Odd Øvstebø
April:	Sondre Vanvik



# LODDSALET HAR STARTA

## ENDENE KJEM!

Slepp ved Ryfylke Fjordhotel  
laurdag 7. juni 2014 kl. 14.30

1500 nummererte Røde Kors-ender  
konkurrerer om å komma  
først i mål.  
Vinnaren får handla lokalt for

# 30 000,-

Det er også flotte 2. og 3. premiar!

Overskotet går til Suldal Røde Kors sitt beredskapsarbeid.



Suldal

Suldal

1500 nummererte badeender skal sleppast i elveosen ved Ryfylke Fjordhotel

## LAURDAG 7. JUNI KL. 14.30.

Eigaren av første and til mål vinn




# 30 000,-

Gevisten må brukast i butikkar frå Bergekrossen til Sand i løpet av dei neste  
to timane med ein journalist frå Suldalsposten på slep. Det er også flotte 2. og 3. premiar!

Lodd á kr 100,- kjøper du hjå Rasmus R. Mikkelsen,  
Coop Sand og Ryfylke Bok & IT

Hovudsponsor:



**KINO****PROGRAM****Onsdag 7. mai. kl. 11.30****LUNSKONSERT**

med Distriktsmusikarane.

**Laurdag 10. mai kl. 13.00****MALARKLUBBEN**

si Grunnlovsjubileumsutstilling opnar.

**Torsdag 5. - søndag 8. juni:  
SYNG ELVESTRAUM**

Historisk spel om kyrkjemakt, striden om lakserettane og ung kjærleik. Billetslet har starta.

**OPNINGSTIDER**

**KULTURHUSET OG BIBLIOTEKET:**  
Månd-onsd 11.00 – 16.00      Fredag 11.00 – 15.00  
Torsdag 11.00 – 19.00      Laurdag 11.00 – 15.00

**BOWLINGEN:**  
Open for bestilling.

**RYFYLKE BIBLIOTEKET.no**

**DIGG**

Å Digga det ein gjer er vesentleg. Ikke minst om ein kan tenkja seg å nå ut i den store verda. Ja kanskje til og med bli Digga av andre for det ein gjer...

Suldal Elverk Diggar at flest mogleg brukar energien sin, og deler også dette året ut sitt UNGDOMSSTIPEND.

**UNGDOMSSTIPEND**

25.000 kroner fulle av energi kan bli dine..

**DETTE MÅ DU OPPFYLLA:**

- Under 26 år og heimehøyrande i Suldal kommune
- Ha utmerka deg innan idrett eller kultur
- Må kunne dokumentera korleis stipendet er nytta

Send søkeren din til post@sev.no innan 25. mai.

Desse har fått tidligare:  
2012 - Vebjørn Nerheim  
2013 - Siri Bråteit

Me gler oss til din søkeren.



**SULDAL  
ELVERK**

PÅ  
SIDAN  
1916

vi leverer **altibox**

Tlf. 52 79 26 00 • www.sev.no

**RUBRIKK****HUS TIL SALS**  
på Sand.

Visning/info:  
Harry Helgeland,  
tlf. 479 43 102

**TIL SALS**

3 syklar til gi-bort-pris.  
Bunadssko str. 36.  
Tlf. 52 79 23 39/  
930 48 450

**KJELLER-LEILIGHET**

til leige frå 1. juni i  
Bogsundvegen 370.  
Tlf. 993 31 528

**BRUKTBIL**

Ønskjer å kjøpa bruktbil, ca. kr. 12 000,-  
Tlf. 968 60 483

**BILNØKLAR**

mista på kyrkjegarden/  
parkeringsplassen på  
Sand søndag kveld.  
Tlf. 916 85 470

**RUBRIKKANNONSE**  
Kjøp 3, betal 2.  
Kontakt *Suldalsposten*,  
tlf. 52 79 05 93**LOKALE TIL LEIGE**

Me vurderer å leiga ut  
lokale i kjellaren i Suldal  
bedehus. Evt. interessa-  
erte kan ta kontakt med  
leiar i bedehusstyret.

Tlf. 52 79 91 41  
el. 909 59 366

**GRUNNLOVS-UTSTILLING**

Opning laurdag  
10. mai kl. 13.00,  
Kulturhuset.

Distriktsmusikarane spelar i  
fargane rødt, kvitt og blått.

Måleriet over blir lodda ut  
til ein av barnehagane  
under opninga.

**Velkommen!**



– Natures egen trebehandling

- Milebrent tretjære
- Ovnsbrent tretjære
- Renset steinkulltjære

**NYHET!**

Farget tretjære i svart,  
okergul, bonderød  
og hallingbrun

**www.espegard.no**  
3570 ÅI • Tlf. 3208 6330

## INNSENDT

## Lesarbrev

## Snakk om angst og depresjoner

heiter ei lita bok vi la att på legekontoret på Sand for nokre veker sidan. Vi håpo at nokon ville lese henne, kanskje låne med heim og ha nytte av. No, etter nokre veker, ser vi at boka er borte, og det er vi glade for. Det tyder at nokon har sett boka og kanskje hatt nytte av henne.

Vi håpar sjølv sagt at den som tok med boka heim, løner henne vidare og fortel andre at det kan vere godt og nytig å snakke om nettopp angst og depresjonar. Nå kjøper vi i Mental helse ei ny bok og legg på venterommet. Velbekomme.

Helsing Mental helse i Suldal  
v/Anne Berit Skeie,Vaksne for Barn

PS. Boka «Snakk om angst og depresjonar» av Karen Gistrup kan dessutan tingast frå Voksne for Barn, [www.vfb.no](http://www.vfb.no)

## Omtale

## Samlar mannlege røyster på Osen

Gullstrupe og formann i 17.mai-komiteen på Suldalsosen, Eskil Nerheim, har planar for mandig nasjonalkjensletrøkk på den store dagen.

Han håpar nemleg å samla bygdas menn for å få ein skikkeleg avsynging av det som skal vera Norges første nasjonalsong, Sønner av Norge. Ikkje minst sidan 200-årsmarkeringa av grunnloven legg ein ekstra glans over årets feiring. I morgen er det øving, så reinsk røysta og kom, oppmodar Nerheim.

## Eg e øvejidde

Eg blir veldig skuffa av å lesa om Pol-ferd til Oslo i laurdagsavisa til Suldalsposten !

Tenk at ordførar og rådmann kan reisa inn til Oslo for å få pol i Suldal, medan dei begge nettopp har klart å få legevakta ut av Suldal !

Eg lurar dualt på kva verdiar som står høgaste hjå ordførar og rådmann?

Eg kunne fått til fleire linjer på dette innlegget, men vel å gjera det kort, men kjem på ei sann historie frå Sandsbygda for 2-3 år sidan der ein bonde måtte ha hjelp frå dyrlege til ei ku som ikkje ville reisa seg opp, og dyrlegen anbefalte å senda ku til nødslakt.

Dette ville ikkje bonden, fann fram 1 liter brennevin og tømde rett i halsen på kua som omgåande reiste seg opp! Kua lever i beste velgående den dag i dag!

Er det kanskje brennevinet som skal berga folket i Suldal framover?

Til slutt må eg sei til ordførar og rådmann : «Eg e øvejidde» som me seier her i Suldal.

Sand, den 3. mai 2014  
Geir Bakka

## Vis omsorg i virkeligheten også!

Alt du gjør i sosiale medier, gjøres varmere i virkeligheten også. Vi må aldri glemme at selv om digitale verktøy gjør det lettere enn noensinne å holde kontakt med hverandre, vil en «like» aldri kunne erstatte et virkelig smil. Husk å være sosial i virkeligheten også!

De siste 20 årene har den teknologiske utviklingen gått raskere enn noensinne og ført med seg mye godt. Men det er enkelte ting vi som mennesker aldri har klart oss uten. Uavhengig av om vi har skrevet med hammer og meisel, pergament og fjær eller tastatur på en pc eller mobil.

Digital kommunikasjon kan gi et inntrykk av at man er sosial, i virkeligheten også. Men du kan ha mange venner på Facebook uten å ha en nær venn å snakke med. Selv om vi er veldig sosiale på internett, vil dette aldri kunne erstatte møter mellom mennesker. De fleste av oss har behov for nærlhet fra andre i våre omgivelser. Enten det er et varmende smil eller en betryggende berøring. Sosial kontakt som vi ikke kan få gjennom digitale kanaler.

Hvert år feirer vi Røde Kors-dagen. En dag som står i humanitetens navn og som markerer starten på Røde Kors som verdensomspennende humanitær organisasjon. Vi ønsker å bruke Røde Kors-dagen til å sette fokus på nettopp møter mennesker imellom. Ved å oppfordre alle til å være

med å bidra til å gjøre Norge til et varmere og mer inkluderende samfunn.

En av fire nordmenn er plaget av ensomhet. Det ligger i Røde Kors sin kjernevirkosomhet å bekjempe ensomhet og bidra til sosiale nettverk. Vi har over 40.000 Røde Kors-frivillige i Norge, mange av dem skal ut og stå på stand og møte mennesker i virkeligheten også på Røde Kors-dagen.

Gjennom hele året er våre frivillige til stede for ensomme over hele landet. Våre besøksvenner møter de eldre som ellers ville drukket kaffen sin alene. Våre leksehjelpere møter ungdom med et smil når de bidrar med leksehjelp. Hvor mye ville det ikke hjulpet om flere satt seg ned og møtte folk med litt ekstra varme og omtanke i hverdagen?

Møter mellom mennesker er fortsatt like viktig, i dag som før. Omsorg fra et medmenneske er uerstattelig og bidrar til å gjøre en sårbar livssituasjon bedre. Du trenger ikke være Røde Kors-frivillig for å skape varme og omsorg. Alle kan bekjempe ensomhet. Å bry deg om de rundt deg er alt som skal til.

Geir Brustveit  
Leiar i Suldal Røde Kors

## Pengedryss fra Sparebankstiftelsen Sauda

Måndag fekk lag og organisasjoner i Suldal nær 100 000,- kroner under årets tildeling av prosjektkroner frå Sparebankstiftelsen Sauda. Stifelsen deler årleg ut støtte til allmennytige formål som gir auka trivsel i lokalmiljøet. Samla fekk Suldal 98 646 kroner fordelt slik:

Frisko 4H i Erfjord: kr 20 000,- til utesitteplass

Grytenuten 4H på Ropeidhalvøya: kr 20 000,- til gapahuk

HLF (Hørselshemmedes landsforbund) Sauda: kr 20 000,- lydøyre til barnehagar i Suldal

Suldal O-lag: kr 6 650 til prosjekt utstyr til elektronisk tidtaking

Suldal Røde Kors: kr 31 996,- til NSR tørrdrakter

**Tekst: Marta-Brit Lunde**



Frisko 4H har ei flott gammel ved Svortingsvatnet i Erfjord. Nå har klubben fått kroner 20 000 til å laga ein utesitteplass på den flotte samlingsstaden.  
Arkivfoto: Sissel Helgeland Johnsen



**Redaktør/dagleg leiar:**  
Astrid Espeland  
Tlf. 52 79 05 90/970 51 120  
[astrid@suldalsposten.no](mailto:astrid@suldalsposten.no)



**Redaksjonsleiar:**  
Esther Moe  
Tlf. 52 79 05 92/970 51 122  
[esther@suldalsposten.no](mailto:esther@suldalsposten.no)



**Journalist:**  
Marta-Brit Lunde  
Tlf. 52 79 05 94/970 51 123  
[marta.brit@suldalsposten.no](mailto:marta.brit@suldalsposten.no)



**Journalist:**  
Toyni Tobekk  
Tlf. 52 79 05 95/970 51 125  
[toyni@suldalsposten.no](mailto:toyni@suldalsposten.no)



**Annonsesal:**  
Nora Bogetvedt Jenssen  
Tlf. 52 79 05 93/991 68 087  
[nora@suldalsposten.no](mailto:nora@suldalsposten.no)

## NEST SISTE

## Dette skjer

## Onsdag 7.5.

SULDALSOSEN: Bønnemøte på Suldal bedehus kl. 10.00.  
 ERFJORD: Ondagsklubb på Betel kl. 17.15.  
 SULDALSOSEN: Pensjonisttrim i gymsalen kl. 14.00-15.00.  
 SKARMYR: Skytetrening for ungdom og vaksne kl. 18.00.  
 ERFJORD: Nortreff på Betel kl. 11.00.  
 SULDALSOSEN: Suldal o-lag har 1. karusell kl. 18.00.  
 SULDALSOSEN: Snøklokka 4H arrangerer torgdag kl. 15.30-18.00.  
 SAND: Medlemsmøte i Suldal Ap på Kommunehuset kl. 19.00.  
 KULTURHUSET: Lunsjkonsert kl. 11.30.  
 SULDALSOSEN: Nytt Liv Suldal arrangerer konsert på skulen: Sax & gospel med Donny Sanders og Viggo Wilhelmsen kl. 19.00.

## Torsdag 8.5.

SULDALSOSEN: Volleyball, dame/herre, i gymsalen på skulen kl. 20.00.  
 SAND: Dansegledede/seniordans på Kulturhuset kl. 14.30.  
 SAND: Suldal Hagelag har staudemøte m/Kjell Ebne på Kulturhuset kl. 19.00.  
 SAND: Suldal Røde Kors markerer Røde Kors-dagen m/døyping av ny redningsbåt i Sand båtforening sine lokale kl. 18.00.  
 KULTURHUSET: Kino; Divergent kl. 18.00.

## Fredag 9.5.

SAND: Alle pensjonistar i kommunen er velkomne til kaffitreff i sanitetshuset fra kl. 11.00-13.00.

**TIPS OSS!**  
40 20 42 42

## Familien



## BRYLLAUP

Me vil gratulera Aud Marit Dahle og Kjetil Steinbru, som mann og kone! Dei gifta seg 12. april i Oddernes kyrkje.

Anne og Arne Steinbru

## Gratulerer



## 1 ÅR

Me vil gratulere den bli-de solstråla vår, Anneli Myrvang Bergh, som fyl-ler eitt år onsdag 7.mai. Hipp hurra for deg! Me gler oss til feiring i Bergen til helga.  
*Gode klemmar frå bestemor og bestefar i Erfjord*



## Erfaring

Våren ventar utanfor-.  
 Våren med alle sine levande måleri av nytt liv-. Gule og grøne fargeklattar spreidde i vegakanten, spreidde i landskapet, spreidde i synsrandna, spreidde i minna om tidlegare vårar-.  
 Enno ein gong vinn livet-.  
 Enno ein gong syng eg om nytt liv-.  
 Livet blir aldri for gamalt-.  
 Anne Nykos



## 4 ÅR

Hipp, hipp hurra for verdens beste Vilde Brekke Nevøy som blir 4 år i dag!! :0) Håper du får en tipp topp dag og en flott feiring sammen med gjengen i barnehagen! Massa glad i deg!

*Bursdagsklemmer fra Sara, Kjetil og Terje, mamma og pappa*

## 16 ÅR

Olve Skår Østerhus. 16 år og lappen får. Dette har du venta på. Kjære Olve pass nå på, farer kan så lett oppstå. Glad i deg. Gratulere med dagen som er 8. mai.

*Bursdagsklem fra bestemor og bestefar*



## 4 ÅR

Me vil gratulera god-jenta Vilde Brekke Nevøy med 4-årsdagen onsdag 7. mai.

*Stor klem frå farfar og bestemor*



## 6 ÅR

Me vil gratulera vår kjære gode jente, Marie Tysnes Sukka, med 6-årsdagen som var 30. april! Tenk, snart er du skulejente!

*Gode klemmar frå Anna, Lars, mamma og pappa*



## 17 ÅR

Gratulerer, Magnhild Fisketjøn, med 17-årsda-gen som var i går, 6.mai.

*Helsingar frå oss heime*




## 20 ÅR

Vi vil gratulere vårt kjekke og snille barnebarn, Fredrik Abrahamsen Deilkås, med 20-årsdagen 7. mai. Vi ønsker deg en flott dag, og lykke til videre.

*Hilsen bestemor og bestefar på Haugen*



## Dødsfall



## Vår kjære

## Nora Husevåg

f. 20.9.1920  
 døydde 30. april 2014

## Steinar og Elisabeth

Laila og Jan Erik

Bettine og Thomas

Marita og Harald Bjarne

Adrian

## Slekt og vener

Gravferd frå Sand kyrkje fredag 9. mai kl. 13.00.

Like kjært som blomar er ei gåve til Suldal Røde kors sin båt NORMANN.

## 50 ÅR

Hipp hurra for Oddny Erene Berdal, som i morgen torsdag 8.mai fyller 50 år!! Gratulere så mykje med dagen, håper den blir strålande :-)

*Klem frå resten av bingogjengen...*

## Familien



## FØDDE

Den 21. april kom Ulrik Stangeland Rohrer til verda. Me vil gratulere foreldra Eldrid og Peer, samt søskena Aldo og Oskar som har fått ein lillebror.

*Beste helsingar fra mormor og bestefar på Underbakke*

**Annonseprisar (eks. mva):**  
 Alm. plass kr 480,- pr. modul  
 Lag/foreiningar kr 405,- pr. modul  
 Stillingssannsas kr 580,- pr. modul  
 Tekstside kr 944,- pr. modul

Side 3 og siste kr 1016,50 pr. modul  
 1. side kr 1166,- pr. modul  
 Rubrikk: kr 96,-

**Annonsefrist:**  
 Måndag kl. 10.00 for onsdagsavisa  
 Onsdag kl. 10.00 for fredagsavisa

**Årsabonnement:**  
 Heilør kr 1050,-/Halvår kr 525,-  
 Norden kr 1230,-  
 Utanfor Norden kr 1605,-

**Utgjevar:**  
 Suldalsposten AS

**Trykk:** Bladet Sunnhordland



**Desk/annonesar:**  
 Astrid Guggedal  
 Tlf. 52 79 05 99/402 37 270  
 astridg@suldalsposten.no



**Desk/annonesar:**  
 Siri Førland  
 Tlf. 52 79 05 98/952 86 814  
 siri@suldalsposten.no

**Bygdemeldarar:**  
 Nesflaten: Kjersti E. Tveit 971 98 475  
 Imsland: Tomas Finnvik 52 76 49 17  
 Jøsenfjorden: Berit S. Østerhus 977 55 303  
 Vanvik: Inger Bekkhus 915 90 957

Jelsa: Øystein Haga 413 22 903  
 Foldøy: Bente Ottøy Salte 475 01 991  
 Suldalsosen: Daniel Moe Olsen 944 38 776

Nummer  
**35**  
Årgang 39

Onsdag  
7. mai 2014  
Laussal kr 20,-



Torsdag:  
Regn, 9°, svak vind,  
3 m/s frå aust-  
søraust, 3 mm ned-  
bør.



Fredag:  
Regn, 11°, svak vind,  
3 m/s frå aust,  
1,8 mm nedbør.



Laurdag:  
Regn, 12°, flau vind,  
2 m/s frå vest-sørvest,  
2,2 mm nedbør.

Vêrvarsel frå yr.no, levert av Meteorologisk institutt og NRK

## HIMMEL & HAV

SOLOPPGANG: 5.20

SOLNEDGANG: 21.44

MÅNE I SØR: 20.12

	FLO	FJØRE
7.5	2.46	17.11
8.5	5.29	18.49
9.5	6.59	20.13
10.5	8.15	21.09
11.5	9.11	21.51
	10.58	22.58
	12.26	-
	13.51	0.33
	14.52	2.00
	15.38	3.01



## I neste avis:



### Populær vikar

Det er jubel i leiren når faste frå Sauda kjem heim i lemminga. Nattevakten? Jordmor? Husmorvikar? Moste-faste kan brukast til alt.

**TIPS OSS**  
40 20 42 42



Fiske i Suldalslågen anno 1912. Her frå Sandsfossen. Foto tilhøyrande Tim Lunt.

# Tostjerners lakse-elv



Bokomslag: Gyldendal Forlag.

Når fiskeelvene i Norge får sin egen Michelin-guide, er Suldalslågen høgt oppe på stjernehimmen.

**Esther Moe**

Det er dedikert laksefiskar og elvekjennar, redaktør av Jakt og fiske gjennom nesten 30 år, Ole Kirkemo som saman med kona Anne-Mette Kirkmo har samla dei ypparste av norske lakseelvar mellom to permane.

#### Stjerne-elvar

Rangert a la gastronomiens stjernesystem Michelinguiden, med ein, to eller tre stjerner. Berre å komma med i boka, er eit nålauge for seg, av landets mange elvar, er det berre 26 som får renna mellom permane. Og Suldalslågen ligg heilt opp mot dei aller aller beste; fire elvar får tre stjerner; Alta-, Lakselva i Finnmark og Gaula og Orkla i Sør-Trøndelag.


#### Sein og god

Når Suldalslågen, karakterisert som sjølvaste storlakselva på Sørvestlandet hankar inn to stjerner, spelar både elvas eigen venleik, stemninga rundt laksefisket, forvaltning og laksestammens kvalitet inn.

Lågen har vist ein fin trend dei seinare åra. Den er dessutan Norges "seinaste" storlakselv, der meseparten av laksen kjem opp i elva i august og inn i september. Laksefiskarar som ønskjer å strekka sesongen på seinsommaren, bør derfor få augene opp for elva, som byr på 65 klassiske laksehølar over sine 22 kilometer, reklamerer Kirkemo i ei pressemelding i samband med bokutgivinga.

#### Kulturhistorien

Laksefiske er sport, næring, lidenskap og natur, men representerer også kulturhistorie, og forfattarparet Kirkmo konstaterer at Suldalslågen også har ein særdeles veldig dokumentert historie. Dei meiner ingen har vore så viktig for noko norsk elvs utvikling som engelskmannen og lakselordnen Walter E. Archer. Mannen som sytte for at garn og andre fangstmetodar forsvann frå lågen slik at Suldalslågen blei den første lakseelva der det utelukkande blei fiska med stang.



Suldalslågen blir omtalt i svært rosande ordelag når Norges beste lakseelvar er samla mellom to permane. Her frå Skotihølen. Foto: Aagnar Berge.